

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. III. Nec videt in supercomprehensione causarum.

---

[urn:nbn:de:hbz:466:1-73455](#)

I'4 Tractatus I. Disputatio XIII. Articul. II. §. II. & III.

ut formaliter futurum cognosceret, ergo etiam nunc habet scientiam de ipso tanquam de virtualiter futuro. Resp. In primis neg. ant. nihil enim in illa hypothesi impossibili forer, ratione cuius decretum potius est futurum, quam non futurum. Comprehensionis quoque perfectio non exigit, ut videantur effectus futuri, aliter quam sunt futuri, immo hoc est magna imperfectio cognitionis: cum igitur ante determinationem causa nullus effectus habeat, quod sit futurus, comprehensiva cognitionis perfectio ante determinationem causa non exigit cognitionem effectus futuri.

Secundò. Dato, non concessio ante, nego conseq. Cujus falsitatem cognoscere ex hoc & simili modo inferendi: si per impossibile Verbum Divinum non esset aeternum, scientia Divina tanquam comprehensiva illud cognosceret formaliter futurum in certa temporis differentia; ergo in signo priori, quo Pater producit Verbum, cognoscit illud ut virtualiter futurum, quam consequentiam cum Adversarii non concedant, etiam prioris consequentiae infirmat agnoscunt.

8. Secundò. Potest DEUS cognoscere suum decretum ut possibile, ergo potest illud cognoscere etiam ut futurum, siquidem possibile plus distat à duratione praesenti, quam futurum.

Respondeo. DEUS cognoscit suum decretum ut possibile possibilitate negativâ non repugnat, quam habet etiam quodlibet ens existens, & necessarium, conc. possibilitate positivâ extrinseca denominationis à potentia producente, nego: sed possiblitas magis distat à presenti duratione, quam futurito; si sit positiva, conc. si negativa nego.

9. Tertiò. Admittitur in Divinis virtualis prioritas inter perfectiones necessarias & liberas, absolutas & relatives; inter ipsa quoque decreta DEI, è quibus intentio prior est electione: ergo etiam admetti debet virtualis futurito Decretorum.

Respond. negando consequentiam, quia omnis illa prioritas tantum est præcisionis, & à quo; non verò durationis, & in quo, qualis ad futuritionem requiritur.

10. Quartò. In signo antecedente decretum una ex his contradictoriis necessariò debet esse vera: *DEVS in sequenti signo decerneret creationem mundi: DEVS in sequenti signo non decerneret creationem mundi.* Cum igitur posterior propositione sit falsa, prima debet esse vera: ergo verum quoque erit obiectum ipsius, quod est futurito virtualis Divini decreti de producendo mundo. Resp. primò negando suppositum antecedentis, in quo supponitur prioritas in quo, cum solummodo sit prioritas à quo. Resp. secundò. In signo & pro signo antecedente decretum hanc propositionem semper fore falsam, *DEVS in signo sequenti decerneret creationem mundum*, quia in hac propositione enuntiatur futurito decreti, quæ tamen nulla est.

§. III.

Nec videt in supercomprehensione causarum.

11. Molina cum Becano sentit, futura contingencia antecedente ad decretum absolutum cog-

nosci in intima penetratione causarum secundarum, quam supercomprehensionem appellat. Et nititur hæc sententia unico pene fundamento: quod divina cognitione perfectius intimam virtutem cuiuscunq; causa creata explotet, quam illa creata cognitione; ergo cum aliqua creata cognitione Angelica & humana futura contingencia in libero arbitrio conjecturaliter attingat, divina cognitione illa in supercomprehensione ejusdem arbitrii certè attinget.

Confirm. Major debetur perfectio supercomprehensioni, quam comprehensioni: sed vi comprehensionis liberis arbitriis DEUS certè videt omnes effectus cum illo necessario connexos: ergo vi supercomprehensionis certè videt effectus etiam contingenter connexos.

Hanc sententiam expresse rejecit S. D. a. 13. i. 12. texu suprà cit. & rufius q. 16. de malo a. 7. in c. ubi hæc habet: quia unumquodque cognoscitur, secundum quod est in actu, non autem secundum quod est in potentia, ut dicitur in 9. Metaphys. inde est, quod ea, que sunt ad uirumlibet, non possunt præcognosci in suis causis determinatis. &c. Numirum, eo modo effectus in causa cognoscitur, quo modo continetur, & habet esse in causa: sed futura contingencia antecedenter ad prædeterminans decretum DEI non habent esse determinatum in causa. Implicat etiam futura cognoscitur, antequam habeant esse futuri, sed ante determinationem causa libera, factam divino decreto prædeterminante, effectus contingentes non habent rationem futuri; ergo ut sic etiam non possunt cognosci.

Neque vim argumenti enerat magna vox supercomprehensionis: etenim illa vel adjicit aliiquid perfectionis ad comprehensionem ex parte cognitorum, vel ex parte cognitionis: si primum contra est: quod cognitione non mutat naturas rerum, nec facit aliquid in se cognoscibile, quod non est cognoscibile, nisi fingat chimaras & entia rationis: atqui effectus contingentes ante determinationem causæ libera non habent esse determinatum futurum, aut determinatam cognoscibilitem, ergo. Si secundum: contraria est, quia major perfectio cognitionis constituit in majori conformitate cum objecto, illa quippe cognitione remeliū cognoscit in causa, que melius penetrat & enuntiat modum, quo effectus continetur in causa. Sed effectus contingentes ante determinationem causa libera non sunt determinati futuri, sed incerti, & fallibilis: ergo tam parum sequitur ipsos à perfectiori cognitione certè cognosci, ut potius quanto perfectior est causa comprehensionis, tanto minus determinata ipsorum futurito cognoscatur & judicetur.

Ergo, inquis, cognitione, quæ DEUS actus nostros ut in libero arbitrio contentos cognoscit, est conjecturalis? Resp. Est conjecturalis ex parte subjecti nego, ex parte objecti, conc. hoc est, videt DEUS actuum nostrorum intrinsecam contingentiam & fallibilitatem, quantum est ex vi liberti arbitrii ut causa proxima; non tamen ipse videt fallibiliter, quia ex vi altioris causa, sui nempe decreti videt liberum arbitrium ad hos vel illos actus inclinatum.

ad

Ad fundatum Molinæ Resp. Cognitioni divine & supercomprehensioni major debetur perfectio, quam cuicunque cognitioni creata & comprehensiva tantum: perfectio tenens se ex parte actus, conc. ex parte rei cognita, tanquam aliquid immutans ex parte ipsis, nego.

Adhuc dices: In Thomistica doctrina DEUS certò videt actus liberos in voluntate ut præmota, & tamen voluntas ut præmota habet indifferentem connexionem cum suis actibus. Resp. disting. alterum membrum antec. voluntas ut præmota habet indifferentem connexionem cum suis actibus: indifferentia actuali & positivi concedo, indifferentia privativa seu suspensionis, quæ dicit potentiam conjunctam cum carentia actus, nego antec. & conseqwentiam: voluntas enim non præmota habet connexionem indifferentem in differentia etiam privativa, à qua actus nullam habet effendi determinationem, nec proinde futuritatem.

## §. IV.

Futura contingentia non videntur in ipsorum veritate objectiva.

Communius sententia Recentiorum amplectitur, ut pro medio videndi futura contingentia, eorundem objectivam veritatem, quæ sit objecibilis Divino intellectui presuppositivæ ad omne decreta, quam docuit Suarez de scientia, fut. cont. l. 2. c. 2. Ejus fundamentum consistit in futuritionis expositione priori articulo à nobis relata & retutata.

Contra candem est in primis authoritas S. Doct. qui expounes Aristot. l. 1. petih. c. 8. lect. 13. tamum absit, ut Philosophi doctrinam censurâ erroris Theologo non curandi perfrinxerit, ut insuper suo suffragio & doctrina firmaverit, dicens: in singularibus, que sunt de futuro, hoc non esse necesse, quod una sit determinata vera & altera falsa. Iisque repetit in l. dist. 38. q. 1. a. 5. & alibi. Neque valer illa clausio, quod S. D. cum Arist. tantum loquatur de veritate determinata quod nos, nullam enim aliam redunam rationem, cui neutra ex propositionibus contradictionis de futuro contingentis sit determinata vera, vel falsa, nisi qui futurum contingens non habet esse determinatum in suis causis, ita enim S. D. loquitur cit. dist. 38. q. 1. a. 5. ad 2. Præterea si futura contingentia in eorum objectivâ veritate videantur; nec videntur in Divina essentia, tanquam causa: nec scientia visionis foret causa rerum, neque ideo res essent futura, quia DEUS novit: certudo quoque Divina scientia habetur ab rebus, non à se: futurum non esset id, quod determinatum in causa, &c. quæ omnia pugnare contra doctrinam S. Doct. constat ex præcedenti dist.

Ratio quoque contra candem doctrinam est primò. Eo modo aliquid est verum & cognoscibile, quo modo est ens, ita nimirum, ut modus ens semper se teneat ex parte objecti (loquitur ipse Didericus c. 7. §. 3.) haec quippe pari semper palla procedunt: ens, verum, scibile, & secundum omnes Philosophos, cognoscibilitas est palius entis. Atqui futura contingentia non habent esse nisi in causa, in se enim actu nihil sunt, fa-

tentibus Advers. ergo etiam non in se ipsis, sed in causis (non utique indeterminatis, sed determinatis) cognoscibilitatem & veritatem objectivam, habere possunt.

Ratio est secundò. Veritas objectiva determinata futurorum contingentium precedens omne Decretum DEI destruit omnem contingentiam, & inducit necessitatem: ergo implicat. Consequencia est Advers. Antec. prob. Ubi prædicatum ex intrinsecis principiis inest subiecto, connexio utriusque (ad eoque veritas objectiva, cum per ipsam nihil aliud intelligi possit, quam connexio prædicarum) est necessaria, v. g. in hac propositione Petrus consentiet, connexio futuritionis cum consensu Petri esset ex intrinsecis principiis: ergo esset connexio necessaria. Major ex eo liquet, quia quod rei non ab extrinseco, sed intrinseco convenit, ex natura rei, ad eoque necessariò convenit. min. etiam patet, quia hæc veritas & connexio per Advers. oritur ex intrinsecâ determinatione futurorum secundum dicta n. 1.

Accedit primò. Quod veritas præcedens omnino signum libertatis est necessaria; sed veritas objectiva futurorum contingentium præcederet omnino signum libertatis, quia præcederet signum libertatis Divinæ, quæ per essentiam est primum liberum omnis alterius liberi tons & caula.

Accedit secundò. Quod veritas objectiva esset fundata in principiis intrinsecis necessariis, que cognoscuntur à DEO per scientiam necessariam simplicis intelligentiæ, nempe quod ex duabus propositionibus contradictionis altera debet esse vera, altera falsa: quod quolibet est, aut non est, que sunt propositiones aeternæ veritatis: ergo & ipsa veritas objectiva esset simpliciter necessaria.

Respondebis primò. Illam necessitatem non esse absolutam, sed ex suppositione libera determinationis facienda à causa contingentii & libera. E. g. hujus propositionis (Petrus consentiet) veritas objectiva non est necessaria, nisi ex suppositione libera determinationis, quia se Petrus ipse determinabit ad consensum; ad eoque non est necessitas antecedens, sed consequens.

Sed contra datam respondionem est primò: quod hinc sequeretur, veritatem objectivam hujus propositionis non haberi propter intrinsecam determinationem objecti, sed extrinsecam à causa, quod est contra hypothesis Advers. Contra est secundò. Quod hæc ipsa determinatio libera est quid futurum contingens, & de ea similiter possunt fieri contradictiones propositiones, vel Petrus libere se determinabit ad consensum, vel non se libere determinabit. Vel ergo, quod se libere determinabit, est determinata verum intrinsecâ determinatione, vel non est determinata verum intrinsecâ determinatione. Si non; habemus intentum: si est; reddit eadem difficultas, quomodo non sit necessaria connexio inter futuritionem & determinationem Petri.

Respondebis secundò. Hujus objectivæ veritatis determinationem ac necessitatem ideo non prejudicare libertati, quia tantum est necessitas ex suppositione, quod eventus contingens aliquando erit; vel absoluere, si est absolute futurus; vel conditionate, si est conditionate futurus. Ex